

地 350
42
部 245

第四十五册

卷七十一

藝文考一

卷七十二

藝文考二

新纂雲南通志

盧漢題



新纂雲南通志卷七十一目錄

藝文考一

滇人著述之書一

經部

易類

書類

詩類

禮類

樂類

春秋類

孝經類

新纂雲南通志

卷七十一 藝文考一 目錄

四書類

諸經總義類

小學類

新纂雲南通志卷七十一

藝文考一



滇自炎漢張叔盛覽從學司馬相如受經歸教鄉人許淑亦受五經教授本鄉為滇南文化淵源張盛許等事續詳卷一百八十八著舊傳厥後彬彬多文學之士元明以來於斯為盛歷代著述存佚合計卷帙至豐袁嘉穀謂吾滇文化淵遠通人志士世代相望而文字放佚湮鬱不宜蓋滇南圖籍一厄於蒙詔徙民再厄於沐英一燼三厄於李湖奉詔收書歸之私室四厄於咸同兵事劫餘無幾臥雪堂文集即雲南叢書所收錄者雖至數百種之多而散佚未見者亦復不少晉寧方樹梅有雲南藝文考建水梁之相有雲南經籍考方志考之作網羅宏富茲篇仿道光緒志之例錄自漢迄清滇人著述之書於前以四庫全書之分類為次至外

新纂雲南通志

卷七十一

藝文考一

滇人著述之書一

一

籍述著有關雲南掌故者輯為紀載滇事之書則以作者時代為次其所著錄舊志而外采於方梁兩氏者為多零篇詩文依例不再列入云

滇人著述之書

經部

易類

讀易三卷

明楊禹錫撰禹錫太和人洪武間辟授本縣教諭大理府志道光志已著錄

太極圖衍義

明繆宗周撰宗周字碌溪通海人正德辛巳進士官至浙江左布

政使道光志已著錄

易聖傳

明周臣撰臣字蓋庵雲南縣人正德丁丑進士官國子監助教萬曆志已著錄

河洛解

明葉瑞撰瑞字應期建水人嘉靖癸未進士官戶部主事道光志已著錄

周易闡微四卷

明文祖堯撰祖堯字心傳號介石呈貢人天啓辛酉選貢歷任名山訓導太倉州學正詳列傳是書未梓而佚

易經明解

新纂雲南通志

卷七十一 藝文考一 滇人著述之書一

一一

明劉完初撰完初永北人天啓間歲貢生官永昌府教授道光志已著錄

玩易篇

明王之昭撰之昭字涵照陸涼人選貢生官麻陽縣知縣光緒續志已著錄

大易微言

明金燧撰燧昆明人貢生道光志已著錄

太極圖說

明陳璽撰璽字泰籙號石葆安寧人崇禎辛未進士官至辰沅兵備道道光志已著錄

增訂來氏易註

清高喬映撰喬映字雪君姚安土同知道光志已著錄
太極明辨四卷

清高喬映撰喬映見前條是書前有自序收入雲南叢書二編
大易集解

清陳我睿撰我睿字若愚南安人康熙間歲貢生官永平縣訓導
道光志已著錄

易學心聲

清楊燦撰燦雲南縣人康熙庚戌進士官至同知道光志已著錄
易象合參增訂來瞿塘易解

清俞卿撰卿字次公號恕庵陸涼人康熙辛酉舉人官至紹興府
知府道光志已著錄

新纂雲南通志

卷七十一 藝文考一 滇人著述之書一

三

易經講義

清何傑撰傑字漢一昆明人康熙間布衣詳隱逸傳是書道光志
已著錄

周易輯要

清楊光謨纂光謨蒼巖人諸生道光志已著錄

易經解

清賈掄撰掄建水人雍正間選貢生官永豐縣縣丞道光志已著
錄

讀易管見

清彭鼎重撰鼎重字鎮九蒙化人雍正間歲貢生官建水縣訓導
道光志已著錄

大易精選

清楊發遠撰發遠字有望浪穹人乾隆間歲貢生光緒續志已著錄

易經通解十卷

清薛亮弼撰亮弼字佑卿鄧川人乾隆間布衣是編以朱子本義爲主而於邵子先天後天河圖洛書疏解極爲明暢亮弼讀易三十年足不下樓平生精力悉萃於此惟屬辭多參俗語晚年欲重加訂正未就而卒道光志已著錄

圖書解大易蒙釋

清張緝斗撰茗上孫端人爲之序緝斗字炳宿號一峯劍川人乾隆十二年歲貢生圖書解序稱其書與南宋朱子發蒙圖叢相埒

光緒志已著錄

讀易管參四卷

清許憲撰憲字丹山趙州人乾隆壬申舉人官宜城知縣是書說理膚淺叢書處審查未刻

易卜一覽

清萬聽撰聽字大吾定遠人乾隆壬申副貢生道光志已著錄聽所著書皆未刻今尙有鈔本

大易淵源

清楊會雲撰會雲字舜華浪穹人乾隆間諸生道光志已著錄

易經旁訓續鈔

清劉烈撰烈字讓聲號右林蒙自人乾隆庚子舉人道光志已著

錄

讀易心解

清張燠撰燠字萬含雲南縣人乾隆丙午舉人官順寧府教授道光志已著錄

周易淺述六卷

清唐守誠撰守誠字罄丹一字真峯南寧人嘉慶庚午舉人大挑知縣改就教職官通海縣訓導廣南府教授是書引證史傳者多采來氏易註其離字句解釋處簡明便於初學光緒間刻於昆明光緒續志著錄守誠周易新解未知即淺述否

太極元樞

清方玉潤撰玉潤字友石寶寧人詳列傳著鴻濛室叢書三十六

種向達有提要云鴻濛室文鈔卷一太極叢說中收有太極元樞總說一篇此書大約是玉潤居大城時所寫成的星烈日記卷六十一月初一日日記曾說到此書之內容自八月杪擬著元樞一書今甫兩月餘亦已告成擬分三卷上卷言天道中卷言儒理下卷則天文地理旁及兵術元功所謂率性者尙其理修心者尙其氣制作者尙其象卜筮者尙其占原同而用異者也書中一圖一說說有不盡則附以雜說圖仿易象說法八家雜說略似語錄匯三體而爲一則是書之創格耳其曰太極元樞者以天下萬事萬物無不各有一太極在故執太極可以爲萬化樞也讀古人書應天下事必先有一主宰於心然後可以順應而曲當主宰即太極也此元樞一書所由作也

易經通致評解

易卦變圖說補正

清方玉潤著玉潤見前條向達提要云易經通致評解大概沒有成書易卦變圖說補正初名易卦變圖說補文鈔卷二有易卦變圖說補正序據序此書大概就武林沈氏所刊易卦變圖說而予以補正序有云爰依原序列圖分繫傳辭於下俾知卦序有定勿容紊亂如此更分卦逐解補圖於後本錯綜以取大象參卦變而窮意旨更遠取諸物近探文象觸類以旁通不泥一象不拘典要唯以求合卦象者爲是雖不知於古聖序卦之意有當否也其亦庶乎可以告無罪於漢宋諸儒者矣

周易講義目錄

新纂雲南通志

卷七十一 藝文考一 滇人著述之書一

六

清鄒履和撰履和字阜亭趙州貢生道光志已著錄

讀易淺說十卷周易標義三卷

清李澹撰澹字星海一字菊村彌渡人道光甲辰舉人選授安寧州學正杜文秀踞滇西招之不出肥遯深山以著書爲事亂平應西道聘主講西雲書院所成就士甚衆是書象數與義理分疏而統括之說義理多精深之處與空談象數者迥別已收入雲南叢書

按光緒續志云周易淺說三十卷誤

象象合參二卷

清李澹撰澹見前條是書與讀易淺說周易標義均係經學家言談易理甚精且不犯複同爲治易學者所當研索之書已收入雲

南叢書

辭占辨例

清李澹撰澹見前條是書前有發凡六凡卦爻占辭之吉凶皆有九例元亨利貞吉凶悔吝无咎是也統言之則曰吉凶而已分言之則有小大偏全之殊不可以不辨也雲南叢書處審查未收

爻位陰陽說

清李澹撰澹見前條是書末自識云癸亥季春既成彖象合參二卷又復分析六陰六陽之位而各以乘承應三位求之則其初終之得失中正之與否皆可以比例對勘而益明矣每日寫一爻六日而畢之以附於合參之後用以消今古之愁遣坐眠之困云雲南叢書處審查未收

易經集說

清木正源撰正源麗江人道光甲午舉人官晉寧學正光緒志已著錄

讀易偶得

清楊恆立撰恆立字卓爾太和增生光緒志已著錄

易語解五卷河洛圖解五卷

清張現撰現字無隱號松溪劍川人諸生光緒續志已著錄

周易注

清湯霍撰霍永北人是書於經文之外略加旁訓其頂格與小注多採史事證經而以駢語出之皆與經無關間亦節取朱子本義程子傳語焉不詳於費孟虞鄭及孔穎達李鼎祚諸書未嘗一窺

殊不足以言注也有鈔本未刻

觀象反求錄一卷

清甘仲賢撰仲賢字應篋姚安人光緒丙子舉人父兩兄孟賢均各以艱苦卓絕之學行爲鄉里所矜式仲賢既有賢父兄而又克自樹立卓然有所成就故其爲學也亦博亦約不惟孔門相傳修己治人之要窮理盡性之方貫徹靡遺即近世東西各國最新之哲理倫理教育法律政治經濟各種學說亦嘗旁參互證觀其會通是書乃在兩級師範學堂任經學教員時所著專以說易者古今說易之書汗牛充棟或偏重象數而失之穿鑿附會或空談義理而失之虛無縹緲此尙無二者之失蓋嘗合義理象數而一以貫之精粗具舉道器兩存取材於梁山梁氏而義蘊之宏充言辭之簡賅則又過之收入雲南叢書

書類

尙書正誤

明陳秉善撰秉善保山人貢生是書道光志已著錄

尙書直解

明周師稷撰師稷通海人明季貢生道光志已著錄

增刪禹貢纂註

清李如玉撰如玉字其人號樂山南寧人康熙戊子舉人道光志已著錄

尙書正解

清劉天祥撰天祥字霽若新興人康熙間人道光志已著錄

書經疏萃

清萬聽撰聽見前易類道光志已著錄

書經通致平解

清方玉潤撰向達云此書成否不可考

古文尙書考

清王琮撰琮浪穹人光緒續志已著錄

書經節解

清宋家善撰家善字繩夫楚雄廩生詳文苑傳是書光緒志已著錄

錄

詩類

詩義三卷

明楊禹錫撰禹錫見前易類是書道光志已著錄

詩經圖解

清萬聽撰聽見前易類道光志已著錄詩經解本有圖此道光志所以云圖解也光緒續志認為二書者誤是書未刻定遠有鈔本書中動植礦各物雜采醫藥方書多欠檢擇不足以言解經也

毛詩淺解

清趙鐸撰鐸元謀歲貢生光緒志已著錄

詩經節解

清宋家善撰家善見前書類光緒志已著錄

誦詩小識三卷

清趙利貞撰利貞劍川人是書引證博洽斷制確當且有獨抒己

見發前人所未發者可備治毛詩者之參稽收入雲南叢書
詩小學三十卷

清吳樹聲撰樹聲字筱亭一字鼎堂保山人道光甲辰舉人官山東知縣是書訓釋字義純用雙聲疊韻求之有不得通者始參用旁通引申之義謂詩中有古字有訛字有假借字皆言乎其形也其聲與義則有合音有一字數義一義數用一經誤讀便成糾誼乃疏通證明或因聲而定義或以義而知聲知其爲古字而後不誤於後世字知其爲訛字而後可求其正字知其爲假借字而後不牽混於所借之字知其字之形而後可以定其聲與義而後益無誤於字之形推明古訓實事求是其書出段玉裁毛詩小學上光緒志已著錄收入雲南叢書

新纂雲南通志

卷七十一

藝文考一

滇人著述之書一

一〇

詩經原始二十卷

清方玉潤撰玉潤見前易類是書前有自序謂最後得姚氏際恆通論讀之亦既繁徵遠引辯論於序傳二者之間頗有領悟十得二三矣而剖抉未精立論未允識微力淺義少辯多亦不足以鍼盲而起廢乃不揣固陋反覆涵泳參論其間務求得古人作詩本意而止不顧序不顧傳亦不顧論唯其是者從而非者正名之曰原始蓋欲原詩人始意也其自負如此古扶風郡守李勤柏觀察邀同人助貲勸梓刻入鴻濛室叢書雲南叢書收入近代講新學者喜其翻新得助風行一時滬上泰東書局復影印之騰衝李根源有序鴻濛室叢書尙有詩經通致評解內容未詳

禮類

禮經疑問

明施昱撰昱字子貞廣南衛人嘉靖丙戌進士官至光祿寺少卿
道光志已著錄

禮記集說解

明吳宗周撰宗周字龍川騰越人官洪雅縣教諭道光志已著錄
禮記合解

明常憲撰憲字克有號西橋雲南縣人嘉靖甲午舉人官璧山縣
知縣道光志已著錄

四禮註一卷

明李希綱撰希綱楚雄人貢生官姚安府訓導道光志已著錄
周禮啜粕

新纂雲南通志

卷七十一 藝文考一 滇人著述之書一

一一

清許高騫撰高騫字少鵬宜良人嘉慶甲子舉人宜良陳達爲之
序道光志已著錄

夏小正傳考質二卷

清萬重質楊元升同撰是書爲望江檀萃序註重質元升皆萃門
人各爲考質附於註後道光志已著錄

讀禮偶存

清傅爲訔撰爲訔字嘉言號謹齋建水人雍正間進士歷官至副
都御史道光志已著錄

學禮簡編

清楊名颺撰名颺字崇峯雲龍人嘉慶戊辰舉人官至陝西巡撫
是書光緒續志已著錄

樂類

律呂書

明葉瑞撰瑞見前易類是書光緒續志已著錄

律呂解

明楊士雲撰士雲字從龍號宏山太和人正德丁丑進士官至戶科左給事中萬曆志已著錄

秦律十二卷外編三卷

明葛中選撰中選字澹淵河西人萬曆庚子舉人官至苑馬寺卿是編爲學士焦竑所賞稱其得千古不傳之祕翰林學士金聲序而刻之聲字正希中選知嘉魚縣時試童子所取士也滇南詩略云內闕四清斷卦數通二條道光志已著錄光緒庚寅雲南官書

新纂雲南通志

卷七十一 藝文考一 滇人著述之書一

一一一

局重刻收入雲南叢書

按金聲秦律序謂吾師澹淵先生學悟精絕跨越秦漢而上余爲兒時受師知往往聽師爲諸生說易不解亦不能問云云是聲童時受知於中選自係事實惟查明史金聲傳聲休寧人休寧屬南京徽州府嘉魚屬湖廣武昌府不知聲因何故至嘉魚受中選知徧查滇志滇繫及河西縣志均未言明茲編照舊敘述亦春秋疑以傳疑之義也

禮樂圖器考

清蕭大成撰大成字敍九建水人康熙丙子舉人官龍門縣知縣道光志已著錄

春秋類

春秋心訣

明李素撰素雲南縣人弘治乙卯舉人歷官江西僉事道光志已著錄

春秋心傳

明周臣撰臣見前易類是書大理府志作春秋取義萬曆志已著錄

春秋經傳會編

明易翼之撰翼之字孔彰騰衝衛人正德丁卯舉人官長壽知縣道光志已著錄

春秋晰疑二卷

明文祖堯撰祖堯見前易類是書未梓而佚

新纂雲南通志

卷七十一 藝文考一 滇人著述之書一

一三

春秋分類

清萬聽撰聽見前易類道光志已著錄

春秋傳說摛英十二卷

清楊學淳撰學淳字望古號南村趙州人乾隆己酉舉人是書桐

鄉馮集梧有序學淳爲集梧典試雲南所取士道光志已著錄

春秋類辨

清何暄撰暄字春谷南寧人乾隆己亥舉人光緒續志已著錄

三傳合纂

清戴傳經撰傳經字翼廷石屏人道光庚子舉人光緒志已著錄

孝經類

孝經注

明楊黼撰黼號存誠道人太和人好學讀五經皆百遍書工篆籀兼好釋典躬耕畝畝以供甘旨注孝經數萬言引證羣書極談性命字皆小篆父母歿爲傭營葬葬畢入雞足棲羅漢壁石窟中十餘年壽至八十子孫迎歸卒明史隱逸有傳是書早佚萬曆志已著錄

孝經演義八卷

明葉奕撰奕字靜侯保山人明季隱居騰越道光志已著錄

孝經心矩

清王垣撰垣字守宗浪穹人崧弟道光志已著錄

四書類

四書音義會編

新纂雲南通志

卷七十一 藝文考一 滇人著述之書一

一四

明易翼之撰翼之見前春秋類道光志已著錄

四書管見

明曾祺撰祺字无咎安寧人道光志已著錄

四書明解

明劉完初撰完初見前易類有易經明解道光志合錄茲分而著之

四書正眼

明戈允禮撰允禮字敬輿保山人天啓壬戌進士官至工部侍郎道光志已著錄

四書頌

明僕應東撰應東姚州人明季貢生道光志已著錄

大學解

明王之昭撰之昭見前易類道光志已著錄

中庸集解

清蘇經世撰經世石屏人康熙初歲貢生道光志已著錄

四書纂要

清盧先烈撰先烈字欽庵通海人康熙丁卯舉人官昆陽州學正
道光志已著錄

學庸匯解

清衛琳撰琳字玉樹建水人康熙癸巳副貢生道光志已著錄

論語逢源

清楊谷雲撰谷雲字三素雲南縣人康熙間貢生道光志已著錄

新纂雲南通志

卷七十一 藝文考一 滇人著述之書一

一五

四書講義

清劉天祥撰天祥字壽若新興人康熙間人道光志已著錄

四書畏言錄

清陳峻德撰峻德字載極安寧人康熙甲午舉人道光志已著錄

四書講義

清戴益高撰益高字鴻達安寧人康熙丁酉舉人光緒續志已著
錄

四書肯綮十卷

清袁銑撰銑字鍾南保山人康熙間諸生是書有自序道光志已
著錄

四書講義